



Broj: 01,02,03,03/11-05-1-1324-2/16
Sarajevo, 24. 6. 2016.

Izveštaj s Plenarnog zasjedanja PSSEECР -a o temi: “ 20 godina SEECР-a: Regija-novi realiteti i zajedničke perspektive” - Sofija, 10. i 11. juni 2016.

Članovi Delegacije Parlamentarne skupštine BiH u Parlamentarnoj skupštini Procesа saradnje u Jugoistočnoj Evropi (PSSEECР): Bariša Čolak, Momčilo Novaković i Hanka Vajzović učestvovali su na Plenarnom zasjedanju PSSEECР-a, sastancima generalnih komiteta i sastanku Stalnog komiteta PSSEECР-a, održanim 10. i 11. juna 2016. u Sofiji. Ovim sastancima završeno je jednogodišnje predsjedavanje Republike Bugarske ovom inicijativom.

Osim stalnih članova delegacija, na skupu su učestvovali predsjednici parlamenata: Milan Brglez, predsjednik Državnog zbora Republike Slovenije, predsjednik Skupštine Kosova, predsjednik Narodnog Sobraanja Makedonije Trajko Veljanoski, predsjednica Velike narodne skupštine Republike Turske Ajša Nur Bahčekapili.

Ovogodišnje plenarno zasjedanje PSSEECР-a kojim je predsjedavala predsjednica Narodne skupštine Republike Bugarske Cecka Cačeva bilo je posvećeno temi: „ 20 godina SEECР-a: Region-nove realnosti i zajedničke perspektive“. Kroz učešće predstavnika zemalja članica, istaknuta su najvažnija dostignuća ove regionalne inicijative u prethodne dvije decenije, pa je u tom smislu naglašeno da se, zahvaljujući formiranju Parlamentarne skupštine SEESP-a u maju 2014.godine, saradnja između država regiona podigla na značajno viši nivo. Također je istaknuto očekivanje da će u narednom periodu doći do saglasnosti u vezi sa izborom sjedišta Sekretarijata i uspostavljanja stalnog Sekretarijata PSSEECР-a, što bi dalo dodatan motiv radu Parlamentarne skupštine.

U ime Delegacije Parlamentarne skupštine BiH o glavnoj temi govorio je zamjenik predsjedavajućeg Doma naroda PSBiH i zamjenik predsjedavajućeg Delegacije PSBiH u PSSEECР-a Bariša Čolak koji je u obraćanju istakao važnost regionalne organizacije SEECР pokrenute 1996. u Sofiji koja je vremenom objedinila 12 zemalja Jugoistočne Evrope oko zajedničkih interesa, a to su: jačanje sigurnosne i političke situacije, saradnja u oblasti demokratije, pravosuđa i borbe protiv ilegalnih aktivnosti te jačanja ekonomskih odnosa. Govoreći o ekonomskoj saradnji, Čolak je naveo da je Evropska komisija planirala značajna sredstva za ovu regiju, što je od ključne važnosti, posebno za zemlje koje još uvijek nisu punopravne članice Unije, kako bismo već u ranoj fazi svog evropskog puta, ekonomski, infrastrukturno i energetske bili integrirani u EU. Čolak je posebno naglasio opredijeljenost

BiH za evropski put i ukazao na važnost intenzivne regionalne saradnje u tom procesu i da SEECP kao regionalna organizacija dokazuje da je parlamentarna demokratija važan faktor saradnje s ciljem mira, stabilnosti i ukupne regionalne saradnje.

Na sastancima Generalnog komiteta za ekonomiju, infrastrukturu i energetiku, Generalnog komiteta za pravosuđe, unutrašnja pitanja i sigurnosnu saradnju te Generalnog komiteta za društveni razvoj, obrazovanje, nauku i istraživanje, dogovorene su teme narednih sastanaka komiteta. Razmatrana je i usvojena kandidatura Republike Turske za predsjedavanje Generalnim komitetom za društveni razvoj, obrazovanje, nauku i istraživanje, a kandidature Republike Srbije i Kosova će još biti predmet dogovaranja na Stalnim komitetom koji će se održati u okviru predsjedavanja Republike Hrvatske.

Na sastanku Stalnog komiteta SEECP-a nije usvojen prijedlog predstavnika Delegacije Republike Bugarske da se formira ad hoc ekspertska radna grupa koja bi se bavila pitanjima pravnog statusa i budžetom budućeg stalnog Sekretarijata PSSEECP-a.

Na Plenarnom zasjedanju usvojena je Završna deklaracija kao i program rada Parlamentarne skupštine SEECP-a za predstojeći jednogodišnji period predsjedavanja Republike Hrvatske.

Sljedeći sastanak Parlamentarne skupštine SEECP-a bit će održan u Zagrebu tokom 2017.godine.

Izvještaj pripremila:
Nacionalna koordinatorica
Jadranka Radović

Izvještaj odobrio:
Šef Delegacije PSBiH u PSSEECP-a
Bariša Čolak

Prilog:

- Završna deklaracija

Dostaviti:

- Kolegiju Doma naroda Parlamentarne skupštine BiH
- Kolegiju Predstavničkog doma Parlamentarne skupštine BiH
- Kolegiju Sekretarijata Parlamentarne skupštine BiH
- Komisiji za vanjske poslove Predstavničkog doma
- Komisiji za vanjsku i trgovinsku politiku, carine, saobraćaj i komunikacije Doma naroda
- Sektoru za odnose s javnošću
- a/a